



**Bibliotheca Rhetorum**

In quo Causae Forenses, Liber Epistolarum, Liber Fabularum, Et  
Oratiunculae

**Le Jay, Gabriel François**

**Ingolstadij, 1726**

Phæbus & Boreas.

---

[urn:nbn:de:hbz:466:1-71049](#)

## PHOEBUS &amp; BOREAS.

**P**hœbum inter & Boream gravis orta contencio est, uter plus posset, & alterum vincere viribus. Nam Deos ipsos urit ambitio mala, nec solos homines glorie stimulat sitis. Hic insolecens Boreas, avulsa viden<sup>t</sup>, inquit, radicibus ab imis arbores, æquatas solo domos, irasque turbati maris? satis hæc loquuntur, Phœbe, quid possim, & quam temerè mihi palmam invideas. Cui Phœbus ad hæc modestior: Evidem furoris, ne quid dissimulem, tui monumenta sunt hæc tristia; quem æmulari si velim, brevi consumptus orbis in cineres ruat. Verum mereri bene de omnibus & lacerare neminem, hoc unum est demum, quod placet, & quo superior Boreā Phœbus audiat. Oculos in orbem fleste; si pulchrum quid nitet, si quid utile gignitur & amœnum sapit; totum hoc meum est; totum hoc debetur mihi. Hæc inter, neuter alteri cùm cederet, illac viator forte carpebat viam. Tum Phœbus Boream sic ad certamen provocat. Vis, inquit, nostram protinus controversiam mortali in isto dirimi? Qui nostrum prior excutiet homini pallium, is per me victor feratur. Boreas ultrò annuit. Mox buccas inflans, hinc illinc hominem quatit, perflatque totum. Ille contrà obsistere: & venti quantò ingruit vis major, tantò fortius stringere pallium. Tum Phœbus, operam Boreas cùm perderet, radios ab alto vibrat; & amicus calor insinuans cunctis se se miscet artibus. Sensit viator, æstusque impotens gravis, ultrò volensque rejicit ab humeris pallium.

## EPIMYTHON.

*Magna vis est benevolentiae, imbecillis metus.*

SIMIA